



25

Broj: 03-1-02-1-221-2/24

Datum: 4.3.2024. godine

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON

PRIMLJENO		13-03-2024	
Organizaciona jedinica	Klasifikaciona oznaka	Registarski broj	Priloga
24-11-103-929			25

**URED ZA BORBU PROTIV KORUPCIJE
UNSKO-SANSKOG KANTONA
Alije Đerzeleza 2
77000 Bihać**

PREDMET: Odluka o Registru imenovanih lica, mišljenje, dostavlja se

VEZA: Vaš akt broj: 24-02-2306-1/24 od 20.2.2024. godine

Agenciji za zaštitu ličnih podataka u Bosni i Hercegovini (u daljem tekstu: Agencija) obratili ste se sa aktom veze u kojem navodite da je članom 3. stav (3) Uredbe o osnivanju Ureda za borbu protiv korupcije Unsko-sanskog kantona („Službeni glasnik Unsko-sanskog kantona“, broj 20/22, u daljem tekstu: Uredba) propisano da Ured za borbu protiv korupcije Unsko-sanskog kantona (u daljem tekstu: Ured) inicira, uspostavlja i vodi određene registre.

S tim u vezi, Ured je pripremio Prijedlog Odluke o registru imenovanih lica u Unsko-sanskom kantonu (u daljem tekstu: Prijedlog odluke), koji ste dostavili u prilogu akta. Od Agencije zahtijevate mišljenje, da li je planirana uspostava predmetnog registra sa podacima sadržanim u Prijedlogu odluke, u skladu sa Zakonom o zaštiti ličnih podataka.

Agencija na osnovu člana 40. stav (2) tačka g) Zakona o zaštiti ličnih podataka („Službeni glasnik BiH“ broj 49/06, 76/11 i 89/11), daje sljedeće:

MIŠLJENJE

Zakon o zaštiti ličnih podataka (u daljem tekstu: Zakon) je opšti propis koji reguliše obradu i zaštitu ličnih podataka i primjenjuje se na lične podatke koje obrađuju svi javni organi, fizičke i pravne osobe, osim ako drugi zakon ne nalaže drugačije. Cilj Zakona je da se na teritoriji Bosne i Hercegovine svim licima, bez obzira na njihovo državljanstvo ili prebivalište, osigura zaštita ljudskih prava i osnovnih sloboda, a naročito pravo na privatnost i zaštitu podataka u pogledu obrade ličnih podataka koji se na njih odnose.

U članu 4. Zakona propisani su osnovni principi obrade ličnih podataka kojih su obavezni da se pridržavaju svi kontrolori u postupku obrade ličnih podataka. To su principi: pravičnosti i zakonitosti, svrhe, mjere i obima, tačnosti i autentičnosti, mogućnosti ispravke netačnih ličnih podataka, vremenskog perioda obrade ličnih podataka, forme u kojoj se čuvaju lični podaci te da se ne objedinjuju lični podaci prikupljeni u različite svrhe.

Navedeni principi se moraju na adekvatan način primjeniti u svakom segmentu, pa tako i prilikom propisivanja obrade ličnih podataka.

Princip pravičnosti i zakonitosti obrade ličnih podataka, propisan u tački a) navedenog člana, podrazumijeva obradu ličnih podataka na osnovu zakonskog propisa koji se primjenjuje u određenoj oblasti i da je obrada neophodna za ostvarivanje svrhe koja se želi postići.

Kao pravni osnov za uspostavu i vođenje Registra naveli ste član 3. stav (3) tačka c) Uredbe, kojom je propisano da Ured inicira, uspostavlja i vodi „ c) Druge registre i evidencije kojima se unapređuje efikasnost i osigurava transparentnost rada institucija“.

Nadalje, u aktu veze ste obrazložili da je Ured pripremio Prijedlog odluke, u kojoj je propisana uspostava i vođenje Registra, koji će služiti kao jedinstvena evidencija podataka o imenovanim licima u organima i institucijama koji obnašaju javne funkcije.

S tim u vezi, nesporna je činjenica da su organi javnog sektora, osnovani radi izvršavanja zadataka u javnom interesu i da se njihov rad zasniva na principu transparentnosti.

Analizom vrsta podataka iz člana 5. Prijedloga odluke (Sadržaj Registra), (ime, prezime, funkcija, institucija, period imenovanja, naknade i sl.), utvrđeno je da se isti odnose na činjenice u vezi posla koji imenovana lica obavljaju u javnim organima i ne podliježu ograničenjima kada je u pitanju njihova obrada i dostupnost opštoj javnosti.

Generalno, rad javnog sektora i raspolaganje budžetskim sredstavima uopšte, bazira se na principu transparentnosti. S obzirom da se javna budžetska sredstva formiraju iz poreza i drugih prihoda koje plaćaju građani, opravdano je upoznati javnost sa radom javnih organa i trošenjem budžetskih sredstava uključujući i pojedince koji u tim organima ostvaruju primanja iz budžeta.

Stoga, mišljenja smo da Zakon nije prepreka da podaci o imenovanim licima u javnom sektoru budu dostupni javnosti na način propisan u Prijedlogu odluke.

S poštovanjem,

Dostavljeno:

- naslovu,
- u omot spisa



DIREKTOR

Dr. Dragoljub Reljić